庫全書

子部

欽定四庫全書子部

分甘飲話卷二

詳校官庶吉士臣李如筠 員外郎日午稔文覆勘

校對官助教臣卜維古 總校官原任九臣王熊緒

謄録 肚生臣謝達等

欽定四庫全書 分甘餘話 提要 國朝王士預撰士禎有池北偶該諸書俱己著 **時日分甘者取王羲之與謝萬書中語也随** 筆記録琐事為多益年通七十借以消閒遣 錄此書成於康熙已五罷刑部尚書家居之 臣等謹案分甘餘話四卷 万甘蜂活 子部十 雜家類三雜記之為

妾名羅紂即羅敷不言二字何以通用俟考 録之詳核中如引懶真子稱漢書目色王賀 日無復考證之功故不能如池北偶談居易 正而轉以致疑殊為疎舛是亦随時摘録不 與數字通用懶真子誤引漢書士禎不加辦 日紂音敷説文糸字部有此字注曰布也 云云今案漢書昌邑王傅實作羅納師古注 曰粗紬从系付聲防無切蓋紛敷音同故得

大きりき しょう **龍绿初出之時故攻班正所以攻執信此** 嚴羽而越執信論詩宗馮班核其年月在該 類皆有典據不同摭拾披沙揀寶尚往往遇 之其中滄浪詩話一條獨舉馮班鋌吟雜 梅福為吳門市卒之非蘇州宣室之有二此 多有未可盡憑者然如繁臺之當讀蒲禾切 之説反覆抵排不遗餘力則以士禎論詩宗 服繙檢之明驗其他傳問之語偶然登載亦 分甘舒話 固

金ラロスノーマ 上 詞人門户之見猶有未化然所云不淡理路 固亦不為無見馬乾隆四十四年三月茶校 不落言詮者自是詩家宗旨士禎力持其說 總 總篡官臣紀的臣陸錫熊臣孫士教 校 官 臣 陸 貲 邚

とこつきたら 竹屋常卧聽其咿唔之聲不覺欣然而喜夫人幼而去 讀之已有味乎其言七十歸田讀書之暇輒提抱弱沒 割而分之以好目前雖植德無殊邀猶欲教養子孫以 告王右軍在東中與吏部郎謝萬書云頃東游還修婚 敦厚退讓庶令舉策數馬彷彿萬石之風云云僕少時 桑果今威敷柴率諸子抱弱孫游觀其間有一味之中 以為樂其稍長者年甫十嵐已能通易書詩三經紙順 分甘餘話序 分日除話

題口分甘餘話庶使子孫輩知老人晚年所樂在此面 聖世任官五十載切冒尚書年喻七衰通來作息田問 學意在逢世下而黄散上而令僕以為至足矣僕生沒 金グロカノー 又六載矣雖耳聾目眊猶不廢書有所見聞朝復掌母 敢謂如衣伯業老而好學也已五臘月朔王士禎書

えてのあたら **酋作為此書名亭曰三如以見志後刻於虞山毛氏及** 欽定四庫 A STATE OF THE PARTY OF THE PAR Salahan Salaha 阿沙京等以次次 分甘餘站 察謫官家居十載廿農圃以沒 語所著萬歷中先祖官京師 布政使今 刑部尚書王士頑撰

聖旨開館廣續 **賜名佩文齊廣摩芳譜** 御製序文冠於編首仍存先臣自序及每卷小序亦所 命編修臣汪灝股逸少等四人為纂修官至四十六年 月告成凡 區荷 一百卷

一閣流傳已久康熙四十四年六月十二日奉

火とりをという 聽政之暇披閱典籍留意農桑繪耕織之圖製水言之 熙偉哉開物成務改牖來茲聖帝之功與天地並矣 粤自神農氏 曾草辨 製民始知樹藝醫樂伊耆氏命義 御製廣羣芳譜序 經筵講官刑部尚書臣王士禎恭紀 御製井述縁起以彰 **異數備家栗云原任** ,推步定歷於以授時民始知耕獲之不惩而百工績 分甘能站 が朕

ऑ 情著為成編以佑吾民常謂爾雅具其名物而郭璞陸 自本經以迄陶弘景蘇頌而下數十種凡採治之法無 佃 更晰矣避稽往牘撷其英華歸於簡枯良匪易也比見 不該核他如齊民要衔月令廣義諸書其時植之宜 什時巡所至親歷田間其稼穑之艱難作勞之平苦 孫炎之流疏注埋翼又加詳馬其明備者莫如本芝 知而洞悉矣每思究百昌生殖之理極萬變消長之 、所纂羣芳譜嵬輯衆長義類可取但惜尚多疎漏 既

7

上原六經旁据子史泊夫稗官野乘之言才士之所歌 民命也其諸天時早晚之候人事種溉之方地力彼此 事也次疏茶果木花卉資厚生溥利用也終以樂物重 吟田夫之所傳述皆著於篇而竒花瑞草之産於名山 とこのをという **貢自遠徼絕塞為前代所未見聞者亦成列馬復名廷** 文齊廣羣芳譜冠以天時尊歲令也次穀次桑麻崇民 臣之請盆以朕所賦詠依類分載總一百卷命名曰佩 因命儒臣即秘府藏帙擔摭眷萃刑其支冗補其闕遺 分甘餘話

青箱雜記云王安國詩好用酒樓常問予詩有幾酒樓 其淑馬凜者好之常慎節宣之度於以鄉仁壽而享太 之久遠使吾民優游於農圃之中家室盈寧樂其業而 也攬品彙之蕃滋想奉生之率育一展卷間化機洋盜 於兹畢呈固不惟矜淹治侈藻麗也以是刊布天下垂 平亦不為無所禪助也哉康熙四十七年五月初十日 不惮其勤而大夫士以及民之秀者因以區別物宜審 `妹物性良梏之異罔弗係舉縷析燦然可觀馬是書 火とりむと 珠簏甲觀俱黄土何必陳倉賣酒棲故友余澹心懷詠 過之題 **茫九派多風雪憶泊潯陽舊酒樓不知安國見之以為** 陳倉有古賣酒樓東坡當賦詩余丙子再以祭告 余因憶康熙甲子奉 樊稜後養云若竹黄蘆滿目愁雪雪切切似江州 -往祭南海大雪渡潯陽江後二十二年作詩贈鄆 絕句云昨向宜春下苑遊曲江烟草似悲秋 分甘餘钴 、蜀

盧循盗贼而沙門慧遠與之友善祖約叛逆而少與院 酒樓也 字齊名王丞相尤爱重之曰昨與祖士少語遂令人忘 以姓得名當作蒲禾切今讀作符艱切非 姓蒲禾切音婆漢有繁延壽魏有繁欽唐有繁知 去後李白醉千年不見紫髯公余選入感舊集此亦二 孫楚酒棲云江南城西酒樓紅無數楊柳迎春風孫楚 中梁王吹臺一名繁臺以繁姓家於臺側故名按繁

御 此世必疑瓜瓤無黛色者矣 疲是皆理之不可解者杜子美贈蘇渙詩序云蘇大侍 とこのられた 同年劉考功公敢惟句云側聞西湖水嫩緑如瓜瓤用 **重墁錄裹色義塘瓜剖之色如黛而味甘如蜜余告寄** |伯祖光禄少卿養吾公象萬歷庚辰進士起家陽城 | 熙四十八年已丑廣西巡撫梁世勲進青駝二長尾 **漢静者也沒竟扇動嶺表與哥舒晃作亂亦其類也** 緑鳳緑鳩各 一雙 分计除话 ħ.

鳴九皐鳴九皐聲萬里明月來清風起雖我搞綠綺 録四篇以存其梗概 奏薰風 稱至祥五音六律鳴朝陽鳴朝陽應明主非帝庭寧高 明月人不見心如結幕兩忽忽白雲羅神霄霏霏暮雨 縣程監察御史官止卿寺近始見手書詩草 河橋有美一人路迢遥路迢遥望無極夢相見醒相 曲 着松挺挺鶴相招报翩翩翩來九霄警霜夏夏 曲相思彈未終淚垂紋絕送歸鴻送歸鴻坐 四音風分風分集高岡七德九首 曲 卷謹

|憶十叔祖異吾公鄭萬歷壬辰進士改翰林授檢討 乾清門內西廊下內直翰林官居之其出入皆奉 といりはたいとう 旨由某門侍衛某人導別伴送壬戌後 句云古寺人來花作供狐城春盡草如烟八叔祖伯 大内南書房在 王公集事本公元名象異 詩名稿今無傅惟鄭簡卷獨先生新城舊事載其二 **艮十七叔祖李木公泰十** 分甘能話 叔祖用晦公察詩 别詳 石

舜尊紀 特旨内直官許 聖駕南巡至蘇州 恩詩云迴思身賤日及胸萬山中 ほりなんとう **艰熙四十四年** 百兩至本籍鄒平縣購版進 大學士張玉書物色原版明年四月令人齎白金 日垂問故靈壁知縣馬騙所着繹 乘馬至所出入之門故朱檢討 益異數云

黃牡丹今亳州曹縣皆有之荷花則未聞有黄色者墨 流作趵突未知孰是按文叔水記宋人稱之者不一 非文叔作歷下水記叙述甚詳文體有法曾子固詩爆 餘所如舜泉爆流金線真珠孝感玉環之類皆奇李格 墨莊漫録云濟南為郡在歷山之陰水泉清泠凡三 此云三十餘者蓋未詳也 とこりをひとう 不得與洛陽名園記並傳可恨也吾郡名泉凡七十一 間無從見之矣 分甘餘站 而

花白下輕風麥脚斜身似舊時王謝燕一年 家風致可爱然輔不聞有詩名若唐人 **叟鳳翔吳道子畫記不減韓退之** 莊漫錄云京師五嶽觀凝祥池有黃蓮花甚奇僅見於 余害謂東坡鳳翔 屬及得傳於後名之顯晦信有數耶 丹陽陳輔訪建康楊驥題群絕句云北山松粉未飄 、觀詩不減杜子美宋人亦謂張芸 人任華盧延讓之 度到君

とこうないこう 香張九成或謂余句法本此竊自謂青出於藍後當有 掌有柳墓則是葬於真州非潤州也余少在廣陵有詩 余官祭酒日有送陳子文歸安邑詩云月映清淮何水 路何人為弔柳屯田 云江鄉春事最堪憐寒食清明欲禁烟殘月晚風仙掌 部雲飛隴首柳吳與按葉石林云山抹微雲秦學士露 柳耆卿卒於京口王和甫葬之然今儀真西地名仙人 |倒影柳屯田又李易安云露花倒影柳三變桂子飄 分甘体话

知之者 讀書致然余自幼小凡博英諸戲一無所好唯嗜讀書 用其力然老矣終亦不能廢書也 書卷也自甲申歸田六年矣目力益昏始悔少壯之過 雖官户部侍郎刑部尚書最繁劇之地下直亦手不釋 稽古左丘明杜子夏鄭康成高堂隆左太冲諸人皆以 **唇韓翃以春城無處不飛花一詩見知九重召知制** 避暑録言平生用目力常数倍於他人安得不敝因歷 金がせんとこ

二馬 鞭上顏近臣曰告朕西幸有二駿稱二絕今獲此鞭可 傳為佳話世盡知之杜陽雜編又載一事德宗匹幸有 李時譕字吉爻准安山陽人順治年丑進士初為潞安 流聞禁中者多不獨寒食東風之句而已 有麟鳳鰸龍之形色類琥珀一 くこうシュ ここう 王勒下迴初噴沫金鞭欲下不成嘶亦胡作也知娴詩 稱三絕矣因吟曰鴛鴦赭白齒新齊晚日花間散碧蹄 號神智聰 號如意驅貞元三年蜀中進瑞鞭 分付餘话 日將幸諸苑内殿進瑞

府推官歷樂陵黎城二縣有清白名內召為監察御史 南京教官至之日悉取史記己下至歐陽史焚講堂下 道君時以言官建議習詩賦者杖一百有尹天民者為 都御史識其為人蓋古之君子也 特起為督糧道条議操守孤介不名一錢未幾卒官將 號稱魚正久之別疾里居快西大饑 軍督撫布按已下往吊蓬蒿滿庭至無含飲之具皆為 醵金買棺代為含斂而歸其喪於江淮余音官副

唐中宗時羣臣多應制賦詩如崔是鄭情宋之問輩皆 尤可笑定律令則何執中也二人可謂失其本心無恥 史李彦章也疏以詩賦為元祐學術其意在黄秦晁張 之尤者矣 戴武三思危唐社稷與宗楚客厥罪維均乃鴟鴞之音 四學士而並劾及前代陶淵明杜子美李太白皆貶之 王安石之學術為害於世道人心如此又按建言者御 頭畜鳴張東之等五王皆死此三人之手蓋將以摊

といりをたいう

分甘餘話

遇覃恩當追贈祖父乃乞迴贈其兄故楚州刺史工部 生父母也唐李德裕任荆南節度使檢校司徒平章事 久容見華髮孤棹桐廬歸新月無朗照落日有餘暉 侍郎德修為禮部尚書此剏例古今未聞 今朝廷凡覃恩有移贈之例謂輟已應得封典而贈本 初潘閱詩也高妙不減岑嘉州又夜凉疑有雨院静若 風水急龍山烟火微時聞沙上碼 溷風雅每觀唐詩至此未當不髮指也 一皆南飛右宋

2 ... 17 ... 2. 2. 2. 陰晦薄暮遂雨終夜淋漓不止煞風景乃爾因錄此以 序每觀此一段風景不啻明皇夢遊廣寒也今年中秋 淳熙八年中秋即孝宗詣德壽宫太上留宴香遠堂堂 用新羅白木與橋一色大池十餘畝植千葉白蓮御榻 東有萬歲橋以白玉石為之雕闡瑩徹上作四面亭皆 照竹林早露從衣袂生亦不減閱語 無僧亦佳句故友施侍讀愚山單宿越州天衣寺云月 八几酒器皆用水晶獨名小劉妃吹白玉笙作霓裳中 分廿餘站

最可游憩石下産小蟹百十為犀一二寸之魚泳游其 當夢游 醴泉寺在長白山之西西有大溪溪中多巨石紅葉時 問與日影相映忆忽無定去吾別業才七八里余有詩 之忽悟乃大笑茶杯幾覆 罷余亟問曰還有於潜絹也無萬茫然既坐定俯首思 余少官廣陵同年義興萬雲載銀罷於潜令來揚州 金岁口尽人 林紅葉多亂此 溪水葉逝水空明魚苗可憐紫 揖

貴之故相國梁公玉立構常以筠伯畫草蟲索題余賦 清流好 書寫幽興碧花紅穗草堂秋 崔子忠字青蚓又字道母登州菜陽人居京師工畫山 生於閥閱而任誕不羈視富貴蔑如也畫學青蚓京師 ,絶句云髯翁任誕如忠恕脫屣朱門傲五侯肯為尚 憐紫 人物王崇節字筠侶文貞之弟文靖季父也官把總 幅丹青顧野王草根

兄こりき こうう

分廿餘站

龍其品又過於小團元祐初宣仁皇太后曰指揮建 此後更不許造密雲龍亦不要團茶揀好茶蚒生得甚 餅天聖中又造小團其品過於大團神宗時命造密雲 宋丁謂為福建轉運使始造龍鳳團茶上供不過四十 寄興耳官資高早不暇計也其漫興如此 高念東先生所作少军日忽賦一詩題曰願作杭嚴道 意曲籬旁風懷磊落如公少便注蟲魚也未妨 或訝而問之答曰吾生平慕西湖嚴灘山水之勝聊

世法士大夫家膏粱子弟尤不可不知也謹備錄之 好意智宣仁改照寧之政此其小者顧其言寶可為萬 筆記詳其出處惟陽宅三十六祥不記所出近始考得 吾家祖訓廳事屏風所書心相三十六善余已於香祖 唐張旭以草聖名世畫墁録云長安府錄應有唐吏部 יווין זעינונין 之乃宋曾空青語也空青名紆山谷之友元祐君子也 史書法傳顏魯公觀此信然 郎官題名碑張長史書序楷法整若軍陣云云世言長 分甘餘站

者真不死也 金グログメニ **將修撰虎臣 超先生癸丑歿於峨眉既二十五年矣余** 至此地覺足下步步如登高然然實平地耳心以為吉 之自卜兆域於高祖忠勤公瑩之西恒語先贈尚書初 胞兄弟太師篤信堪與家常有數單在客舍方伯常 先祖方伯贈尚書府君與伯祖兵部尚書太師府君為 手微笑而無 丙子再使蜀甫入劒門闕宿於驛舎忽夢先生來近執 語似以不二法門相示者異哉若先生

壤 及也 尚書皆帶 廷致堪輿家但每夜至舎後近地縱横步之再三忽曰 同邑沈澄川淵先生幼時喪父太夫人欲卜吉壤不肯 とこうをとう 經筵講官始知街士之言不足聽而府君高見為不可 四人三人成進士府君初贈户部左右侍郎累贈刑部 距新城六十里竟無後方伯子孫衆多愚兄弟同胞 即决意用之葬兩祖母夫人而太師所擇在淄川縣 分甘餘話 벙

崑山顧炎武號亭林揚之通州有老儒古姓號辣泉同 巧合者亦奇古人不記有此例否當博考之 年孟縣薛給事奮生號老峰皆地名泉名峰名連姓字 林官國子司業卒以東宮講官信勞特予祭葬 此即吉地也遂卜竁焉後沈公成嘉靖乙丑進士入翰 異聞録言宋太平興國中編次御覽別用書一千六百 四年集唐文粹其序云今歷代墳籍略無亡逸觀鉉所 九十種以今考之其無傳者十之七八矣姚鉉以祥符

大元日日 上山山 王舎人店有東坡所書讀書臺三大字石刻耕者出之 世皆登侍從右見澠水燕談錄今濟南郡城東三十里 金源入汴其兵火之厄及甚於五代時與 正遇之書其碑陰以美之子揆掞以文學才行有名於 功後為環州監押雖處窮邊猶建孔子廟慶歷中范文 宋張蘊為淄州兵馬監押咸平中契丹犯境有全城之 多存歷北宋太平全威之世而古書反亡殊不可解豈 分村体站 五

|類文集亦多不存云云當五代亂離板蕩之後而古書

范文正公幼隨其母客濟南長山縣而讀書長白山之 舊刻大字本編首有禮祭店圖俗為為李三店非也 於此從曾叔祖開封太守曙峰公都作三賢祠於市之 祭店公所常往來之地後公守青州過長山父老迎候 翟院深與李成皆營邱人而院深伶工也一日太守燕 醴泉寺今長山城外孝水南岸有公祠城西十五里禮 西北隅以祀公與陳仲子伏生香火至今不絶文正集 田間扶遺蹟也

紅如珊瑚可爱熟時有小鳥紅色羽毛甚麗來食此草 仙人暫死食飛魚次句用列仙傅衛封事皆衛氏也 尚為巨族余常輓從甥衛生一聯云相國悲歌扣牛角 |幸邱縣西北有霉戚城春秋齊衛戚米色今縣有甯氏 とこりをなら 田侍即給霞宴言巡撫貴州日署中庭砌間有草結實 會院深擊鼓失節召問之對曰通仰見飛鴻淡行可愛 思欲圖寫凝思久之不知鼓聲之失即也院深名在宣 和畫譜與史邦卿以堂吏而名列詞中大家皆奇事 分日餘話

詩乃知事皆前定 詩情合在空舲峽冷雁哀猿和竹枝用擢語也後壬子 好名芙蓉花出陶貞白仙方其說稍異 食皆有大毒余觀冷齊夜話云斷腸草不可食其花美 秋典蜀武歸舟下三峽夜泊空舲月下聞猿聲忽悟前 **唐鄭綮云詩思在灞橋驢子背上胡擢云吾詩思若在** 問之吏卒云此斷勝草也鳥亦名斷腸鳥專以此草為 一峽間開猿聲時也余少在廣陵作論詩絕句其

|鵝兒鴨雛拍浮其間頗似畫本余賦絕句云紫竹林中 作絕句乃佳東坡論此詩亦云末二句可不必 水滿塘鵝兒得意弄輕黃襪材騰有驚溪絹合付邊鸞 已丑歲自春夏至秋八月多雨書屋後叢竹甚茂雨後 林没晚潮余少登京口北固山多景棲亦有句云高飛 與趙昌從姓磊字石丈善丹青當令補作 老杜詩白鳥去邊明坡公詩貪者白鳥橫秋浦不覺青 余嘗謂柳子厚漁翁夜傍西巖宿|首末二句蛇足刪 圖

とこのとたろ

分甘辣钴

シャ 於地下而問之 多即豈此百數十人者心盡不雜過康樂乎抑來者 洪覺範云遠公拒康樂入社而與盧循執手言笑謂 拒予宜淵明之攢眉而獨拒 公案固常疑之然又念遠開蓮社衆至百數十人 白鳥過江明 陽前 則何暗於循謂不知人則何明於靈運余於此段 日風雨觀冷齊夜話劉跛子事戲為絕句云 一時即目不覺暗合 康樂何說即恨不起逐 何

金ジャ

表

堂之 花鋪 宋齊梁陳隋諸書外有王通元經新唐書外有劉昫蒨 外有謝性季漢書晉書外有崔鴻十六國春秋南北史 泥沙野人久神東蘇莉不爱鋪堂富貴花南居徐熙畫 くこうえ こう 余少與考功西樵兄言史事自十七史外如史記外則 不從勾漏愈丹砂不倍酸輪轉法華祇爱青州劉跛子 有蘇氏古史前後漢書外有荀悅來宏兩漢紀三國志 年 看維陽花又云蜂蝶蕭跳春日斜維陽花事委 分日作品

金只口屋石電 已丑重陽秋霖乍霖偶憶往事援筆記此 餘年矣白首汙青徒有愢敷而西樵下世已三十七年 採不可以其不列學官而偏廢之兄亟然其言今五十 録元史外有蘇天爵名臣事略凡此諸書皆當魚收並 游胡饭南唐書宋史外北宋有王偁東都事略曾翠隆 唐書范祖禹唐鑑五代史外有踔居正篟史及馬令陸 東坡廬山詩云溪聲即是廣長舌山色豈非清淨身萬 平集南宋有李心傳三朝朝野彙編兼紹翁四朝聞見

者終不悔也始作俑者安得尚方斬馬劍誅之以正人 通 久足四百十八十二 年而貴產湯盡至有父母之獨在堂而第宅已鬻他姓 江遊湖種種諸戲吾里縉紳子弟多廢學競為之不數 余常不解具俗好尚有三關馬吊牌喫河豚魚敬畏五 時府君以兵部尚書視師行選故云 即是廣長古大纛豈非精進幢全襲坡語稍變其意耳 歷 中董思白 其宗伯寄先大司馬太師府君詩云鏡歌 即神雖士大夫不能免近馬甲漸及北方又加以混 分付針話 九

每見人家子孫留意祖父著述手澤往往不多得陸放 指同旨 童見而笑曰牛關力在角尾當搞入兩股間今掉尾而 惟其識之學若死則皆不傳置容不急歸耶此意今 鬭謬矣此與黄筌别畫鍾馗抉思眼精神意思俱在拇 翁記張子內樞密云先人有遺稿滿四箧字畫極難 東坡志林記杜處士蓄戴嵩畫牛 心以維惡俗乎或云宋楊文公大年好葉子戲 幅甚實惜之有牧

有賢子孫且官通顯而不及傳先人之書使流通於後 專司雙校之役在并數年竟未剞劂而木卷死矣右皆 傳子木養 神官御史大夫延余門人嘉定股雲章漢瞻 江表志釣磯立談諸書為緯尊李氏為正統其書順可 即加尚書矣余優勘刻之竟不果與化李映碧清廷尉 **丞好著書常以陸游馬令二家為經別修南唐書而以** 點竄鉤勒藏其裔孫文敏認養為處文敏任為學士侍 知者蓋鮮矣余所見葉文莊與中威遺集寫冊皆手自

見いりといれる

分甘餘話

丰

知宋時何以有之或古有之而其法不傳耶 詢之門人南部李曲江少司馬從云蜀中初無竹炭不 秋萬古河山雄朔部四時風月入南樓云云誠佳作 樣在氷壺亦是佳句而彼土之高凉可以想見矣 近李梅厓中丞其代州詩云誰識惟門今夜月山川 世况其下馬者乎可敦也 白りに 老學卷筆記云北方多石炭南方多木炭蜀多竹炭余 州集載楊雲翼詩金波曾醉雁門州信有人問五 月 别

其真蹟 臨邑行太僕卿邢子愿先生 何以書名萬麽問取法晉 减少陵東坡 金李汾長源詩烟波蒼蒼孟津戌旌旗歷歷河陽城! えこうかん いよう 陸務觀云吾鄉鏡湖為人侵耕幾盡閬州南池數百頃 而邢書知之者鮮矣余西城别墅茂林修竹四大字是 來禽館帖凡数十卷時號北那南董今董書威行海內 不落唐宋窠臼其邑人王葱岳大司馬治卒其書 分日体站 主

此 亦為平陸古今勝蹟往往陵谷遷移如此吾郡明湖 佳句 間攜幼女出林畢家人莫怪兒衣簿八十五翁猶經袍 分城之宇四五十年前湖面县濶近為人家佔作竊塘 何不為鏡湖南池之續即為之一敦 方嵞山《冬日林茂之前單見過云積雪初晴烏曬毛 疆彼界畫為溝塍舟行渠中了無烟波浩淼之趣幾 |又有詩云烏衣卷口多芳草明日重過是早春亦 幾

金牙巴人名言

|告西鎮嘗品茶於此與西山玉泉極相似 前萬里崑崙水干點桃花尺半魚又至今克峰上猶 吳天章答人云自卜條南舊隐居明星玉女對攤書門 吴山古汧山也山下石穴水溢石空懸波侧注按此即 唐僖宗朝南詔請和親遣宗正少卿李龜年充使是又 李龜斗 水之源在靈應峰下所謂西鎮靈湫是也余丙子祭 水水名也酈注渭水又東會一水水發吳山地里志 分日餘話 主

我時日又河聲遇雷首雨氣下風陵 쇱 庶常何澹養堪翰林云渠讀書一覧鄉誦不忘也 經文二三場皆刻程文悉博大精深殆有萬夫之稟今官 西某某皆以五經綸元戊子江西解元李紱臨川人 西樵古意云鶟鶄兩兩栖浦沙昨夜即來眠妄家滅燭 丹徒張氏吏部文選郎中九徵順治乙酉解元丁丑進 科場許五經中式而習者盆衆數科以來如直線快 門戴星去看郎 一似菖蒲花最質而古

火足四事产与 士終河南督學諸子王裁康熙丁未進士第一甲第二 又當被 書仕可康熙丙辰進士亦以愈事為河南督學遷湖廣 余官御史大夫時嘗蒙 王書子逸少康熙甲戌進士翰林院編修 布政使司条議恕可康熙戊辰進士浙江杭州府知府 及第終翰林院編修王書文華殿大學士無户部尚 堂聯云烟霞盡入新詩卷郭邑制開古畫圖 分日餘話 主

世祖皇帝喜歐陽詢書而壬辰狀元鄉忠倚戊戌狀元 聖恩示子孫不敢趋也 工二王體者首推海軍查昇以其族叔嗣韓無智五 辰狀元汪繹皆法黄庭經樂毅論者也惟戊辰進士 上喜二王書而已未狀元歸允肅壬戌狀元蔡升元庚 孫承恩皆法歐書者也康熙以來 本朝狀元必選書法之優者順治中 賜御書帶經堂信古齊二扁今分懸東西二第中堂誌 次定四車全書 一 次職性徒長奔競無益勸懲今河南道常異聖有才京 · 一詢于公以問余余日臺規內性皆論資俸近多越 總憲任南三日 余與午為副憲值御史內附外轉之期時于抵甲成位 師祁而不與縣甲又不與吉士之選終於 找置 鼎甲昇遂抑置二甲丁未進士工書者首東强宋 在暢春苑有 宋字 中郎 分日餘站 一令亦可惜

古四

占下李內性余掌都察院 於 乾清門御史既下殿 旨下常內性次年梅繼之己卯余為總憲引見諸御 日 公道明人心服矣明日 畿道梅鋗有守而資俸俱深內陞之序當首常沒 | 詢余當內陞者余力薦河南道李斯義端慎敏練是 循臺規即 掌道亦必論

資俸不敢徇一情面以長奔競余既遇去又不盡然 とこりをいう 分付針話

者余因憶宋僧證悟法師題馬祖殿云寄語江西老古 堂領眾者不可勝數而祖庭敗壞如此無 荒凉頹落閒無 錐任赦日灸與風吹兒孫不是無料理要見水消瓦 欽定四庫全書 真定府臨濟寺唐義元禪師道場余以康熙丙子遇 こりはたこう 分甘餘話卷: 僧今臨濟兇孫滿天下名山大刹 分甘馀话 刑部尚書王士禛撰 任興 開

當此事者否也 天欲明 士而東坡戲為酒令云牛僧孺父子犯罪先斬小畜後 李文競牛僧孺君子小人判然也頗濱並稱為豪傑之 黄始字静御吳人有詩云一 時遂題是詩於佛殿之聲今又十三年矣不知竟有擔 斬大畜然則僧孺之人可知矣可與赞皇並稱守明彭 澤王瓊如參商水火之不相能其為卯正亦易見也乃 聲啼鳥半江月才到兩山

前輩常云諸佛經多出六朝唐人文士之筆初亦疑之 安為極致若柳耆卿則靡矣變調至東坡為極致平稼 余少時評陳卧子能湘真詞如香車金續流連陌阡 軒豪於東坡而不免稍過若劉改之則惡道矣學者不 凡為詩文貴有節制即詞曲亦然正調至秦少游李易 李贄名臣傳列瓊而澤則附見之公議安在 くこりえ ここう 以不辨 思草頭 默之樂 分甘标话

姚 然觀唐貞觀中今至其法師譯諸經有譯經使十餘 圍 未詳 又諭有不稳當處隨即改正則所云多出文士之筆良 羅數數字或作紂李西臺書小詞亦作羅紂懶真子 尺脏間作四獸面有剖露狼審視之真碧玉也 府治月臺東南隅有璞石如鼓而方高二尺六寸 甚盆州于後記云制似雲相傅是楚漢間

金ダセんんごう

約二字何以通用或有博雅者知之俟考 和衣而寢食時或切山樂極薄煮熟置盂中不過五七 餅亦数十枚雜投其中而食之立盡康熙辛未余貳京 歸田録言張僕射飲啖過人晏元獻所食至少近人亦 酒邀之飲無算爵或烹雞卵數十盛以巨盡破餺飥蒸 引漢書吕邑王賀妾名羅紂乃嚴延年女孫然不言數 こうきなら 相國張公素存其典會試每五鼓必東燭起坐夜則 相類者孟津王文安公 鲜在京師諸公欲乞書朝置 分寸餘站

"香則知之矣必不得已而去二者何先慕廬俯首思之 片或炒米少許而己 宋本名淡巴菰以告慕廬慕廬時掌翰林院事教習庶 良久答曰去酒衆為一笑後余考姚旅露書烟草産呂 武學酒杯烟筒不離於手余戲問曰二者乃公熊魚之 韓慕廬宗伯黃嗜烟草及酒康熙戊午與余同典順天 金グロ 故友程石癯南海人嗜檳榔官兵部職方郎中一 吉士乃命其門人輩賦淡巴菰歌 1 日早

欠足り早を 力止之乃已此真所謂奇技淫巧者也 京師第一紫檀坐椅制度精絕亦以珠玉等諸寶為飾 絕倒按與轎見前漢書 珊瑚瑪瑙琥珀蜜蠟硨璖諸寳莊嚴之已為布有頃聞 有底忙行到前門門未改轎中端坐喫檳榔聞者皆為 康熙乙丑余奉使南海见六榕寺一立佛像皆以珠玉 朝余殿占口號贈之云趨朝夜永未渠央聽鼓應平官 方伯之子欲以百二十金購之德州李庶常文衆 分甘餘站 œ,

當時惟玄暉足相匹敵耳休文不足道也 本朝設科已來所未有也歸田録記首甲三人並登兩 約之詩任昉之文也然余觀彦昇之詩實勝休文遠甚 近科鼎甲三人皆至八座者甚少同時者更少惟癸丑 韓禮部尚書王工部尚書徐吏部侍郎衣冠詫為威事 狀元韓炎第二人王鴻緒第三人徐東義同時為? 六朝人謂文為筆齊梁間江左有沈詩任筆之語謂 府者惟天聖五年一榜此足相匹 座 沈

道之不易行者又非詩文之比 STORE MAND 道自處故以古道待其友非知已之深者不能也俗人 馬恭襄公昂官大司馬忠肅在朝每面呼其名此尤古 且以為倨傲無禮矣明鹽山王忠肅公 鄭官太军滄州 長洲尤悔養云今朝喜得見尤侗皆直呼其名此以古 老獨有涵光是隱居金陵黄周星九烟明末進士也贈 云草澤賢豪盡上書奎章閣外即公車我同漁父因衰 廣平張蓋字覆輿中是盟涵光友也當有贈中! 分日餘站

楪子大安用照二百里歐陽公以為得军相之體吾鄉 之答曰牡丹佳矣然不知能結饅頭否此與呂事相類 為古詩作古詩恐壞人心術或聞之笑曰沈休文始初 四聲想當為君子第 但其人非耳 有獻古鏡於召文穆者云可照二百里公曰吾面不過 先達家居子姓偶言及曹縣五色牡丹之奇請移植 鄉先達在明啟禎初不為清議所許常訓子孫勿學 但不知何以處陶淵明

過 笑以遣之謂人曰吾為三司使數年强笑多矣直笑得 大いとりはない 傅彤臣ಹ修軀偉貌鬚眉如戟博學强記冠絕一時常 詩賞劄中有云執事吟髯似戟笑面如靴引用殊不倫 面 田元均為三司使厭權貴干請然不欲峻拒每溫言强 似靴皮此歸田録所載本非佳語而月泉吟社謝送 将來必貴吾去矣果去不復來形臣车卯舉鄉 友人家友人有女為狐所祟聞傅至忽語曰傅 分甘餘站

党其大將酒餅皆令親隨人獨之故號背卷韓岳取其 本朝之三法司也 唐三司使不專領財賦鹽鐵之事凡鞫獄以尚書侍郎 韓靳王岳鄂王皆有背危軍范石湖云燕中謂酒瓶曰 與御史中丞大理卿為三司使即明代及 名以名親軍爾 未舉會試皆與余同年仕至江西道監察御史 引衆南侵趙九龄獻策決淮西之水以灌其營

鈔 欠己日早日 漢明帝時匹域僧迦葉摩騰竺法蘭以白馬駅經至稚 居皆曰觀上見錐陽伽藍記及石林燕語下見雲麓漫 士漢中送道士王仲都處之於昆明觀故後世道士所 陽處之於鴻臚寺故後僧所居皆曰寺元帝被疾求方 聞之遂追去九齡字次張與龍伯可皆奇士陳同父作 與列傳特標出之此事见雲麓漫鈔惜當時不能用 分甘饮站

等級武臣提督及總兵官亦有 玄狐非閣臣不得 賜得之者以為荣袍帽初以紫貂為貴康熙以來尤贵 賜者後文臣督撫亦或蒙 賜者厥名元狐而色實蒼白也 賜尚書亦有蒙 渭南南氏自大吉達吉而下衣冠之威與靈寶之許 朝侍衛皆於冠上帶孔雀翎以目暈之多寡為品之

與同年何行人發音玩同典廣西鄉試桂林人為之 |與宗伯孫廷鉉鼎甫同舎相得甚數一日同人滋集余 祭酒居仁工部尚書居盆其尤著者余為禮部即官時 姚之孫相聚足若吏部尚書企仲禮部尚書師仲 曰本是箇畫眉張敞倒做了 余同年張禮部者河南人面黔而好傅粉澤順治庚子 大家兒固當不同 こうないた 接坐偶談及前明掌故吏部劉公敢惟從旁敦 分甘体站 傳粉何郎平丑春余客秦 國子 語 E

攜至京師索價甚萬真定梁蒼爛大司馬酬以五百金 完家前有松雪小像後有人以千二百金購之新安賈 趙承旨家宋繁前後漢書王大司寇弇州得之陸水邨 約畧相似此書後又歸新鄉張司馬坦公康熙中有 金り口 不售攜去後不知歸誰何矣 淮適何歸自粤金陵酒問談此坐客皆為棒腹絶 李後主去國聽教坊雜曲揮淚對宮娥一 復售於四明謝氏自跋云此書去我之日殊難為懷 段凄凉景色

好未甚詳云熙甫未有成書止別集有宋史論賛一卷 今損仲草稿及臨川宋史舊本皆在吳興潘昭度家云 损仲屢欲傅寫并思購宋李燾續通鑑長編以蔵此書 觀天啟中損仲起廢籍為寺丞常留心宋史時李九如 某傳某某宜附某傅皆注目録之下州次部居釐然可 若士関宋史朱墨奎乙某傅宜刑某傅宜補某人宜合 東都事略跋其述歸照甫湯若士王損仲三家刪宋史 少卿藏宋室輔編年録及王秘閣稱東都事略三百卷 分日祭话

慧持東林慧遠之弟也遊峨眉山於樹中入定宋時有 本那 水劉狀元晉卿上公車抵攜宋史刪本一部或即臨川 金好口屋有量 會以神其事又宋時或漁於潭得 人見之以聞於上始言始末問今何在答言欲在陳留 也余曽鈔其目録祥符草稿則不可得而見矣又聞吉 云余昔在京師所見即臨川手筆所謂朱墨塗乙者是 書云明時復有人見之陳留亦入定樹中似是傅 鸱夷内有一

發前人未發之秘而常熟馮班試誤之不遺餘力如 嚴滄浪論詩特拈妙悟二字及所云不涉理路不落言 學仙佛者故欲神其事耳 漁者欲出之曰此間甚適不須出也此亦似傅會之說 卧初覺問之曰我譚紫霄也宋齊邱獨吾書沈吾水底 詮又鏡中之象水中之月羚羊挂角無跡可尋云云皆 生讀書後 葉氏習學記言不如黄氏日鈔黄氏日鈔不如弇州先) 力目体话 周

黄之口又甚於胡吳輩矣此等謬論為害於詩教非 近吳受修齡作正錢余在京師亦嘗面規之若馮君雌 興來俊臣之流文致士大夫鍛鍊周內無所不至不 風雅中乃有此羅織經也昔胡元瑞作正楊識者非之 康熙甲戌余在京师咸除大雪偶邀老友姜西溟吳商 則尤似醉人罵坐聞之唯掩耳走避而已 明眼人自當辨之至敢詈滄浪為一竅不通一 ,將京少查夏重宋山言周策銘殷彦來將静 字不識

翻灯四周台

孟子曰仲尼之徒無道桓文之事者子貢又聖門高弟 話因牵連記之 篇好十五詩當十五城此詩蠶尾集不載今追錄於此 最先成次日又以减寒吟十五首見投余口占絶句贈 為投之梓澤州相國作序韓宗伯慕廬作跋亦藝林佳 之云昨夜草堂風雪裏羣賢擊鉢羨殷生朝來更爱新 諸子窩齊小集酒酣隷事各賦五言詠古一章彦來詩 しこうふ しょう 時公卿和彦來咸寒詩者凡數十家田綸霞少司徒 分甘除话

門矣 無夢頌新歷六見池邊楓葉紅時去十月朔頌歷才四日 雪大兒沫以石帆亭楓葉十餘片至微紅可爱鶇役枕 越若如所云乃蘇張之前茅耳不惟說壞子貢亦辱聖 余生平最愛楓葉行呉楚間所見多矣尤爱雪中楓 也吳越春秋越絕書言子貢 賦 深相間有如畫圖已母九月下院六日未霜而有徵 詩云秋雨連宵響前叢石帆亭畔小池東正衙 出而存魯亂齊亡

幕東塘正落潮派蓬泊處雨瀟瀟疎鐘夜火寒山寺又 樵下世亦已三十餘年回思往事為之憮然而敦 年售約江南夢獨聴寒山半夜鐘今荏苒五十年矣西 **ろこりら たいう** 池歲賜二府從官識於此進士聞喜讌亦在馬自明代 石林燕語瓊林苑金明池每二月命士庶緞觀謂之 過吳楓第幾橋楓葉蕭條水驛空離居千里恨難同十 順治平母春雨中泊舟楓橋寄先兄西樵二絕句云日 今新進士賜讌謂之瓊林宴瓊林宋京城四御苑之 分甘餘話 開

金いせんとう 相公至今猶唐又題名雁塔也 子又承武宗之後故稍有不同張字敬桂葵因得乗問 置仁宗於何地此萬古不易之論也世宗未為孝宗之 養英宗於宮中立為皇子已久名分久定於禮毫無 唐書不可廢真聖人也 宋仁宗當問军執修唐書時何不專命歐陽修又諭舊 疑故温公之疏曰今上為仁宗子而稱濮王為皇考則 明世宗時議大禮與宋英宗時濮議事體稍異蓋仁 宗

とこりらんだう 一廿七友葉文敬評余蜀道集詩母論大篇短章每首具 有二十分力量所謂師子搏象兎皆用全力者也余深 吾終不敢以為是也 論之若歐陽公賢者而其議濮事則亦敢於負仁宗者 尚有紛紜之論林下退閒偶讀歐陽司馬二公集聊復 抵隙逢迎以售其說而職取大位然楊文忠以下凡得 徒僥倖干進志在逢迎皆小人也曩史館開局時諸人 罪者其心不忍負孝宗皆君子也張桂方獻夫霍韜之 分甘除钴

金グログノー **叢竹山鬼悲風帶女離春寒云梨花落地半窓雨柳絮** 傳之友道亦可風也從子其妹亦能詩 愧其言文敏又當語余兄七言長句他人不能及祇是 余秋柳詩四首頗可誦其秋夜讀九歌云湘皇淚雨 熟得史記漢書耳讀書萬卷下筆有神余雖不敢當文 入簏三日風皆晚唐佳句彦來傷其不遇早夭為序而 則知言矣 、殷彦來寄其亡友夏生任遠遺詩僅一卷中有和

覺觸今吾年逾七十有耳而不能聽有目而不能見是 忠武侯討魏通鑑以寇書千古公情故元人楊桑詩曰 如來會中阿那律多無目而見跋難陀龍無耳而聽苑 莊宗欲討偽梁亦以謀入冠書工禁髮指亦題一 伽神女非鼻閧香驕梵鉢提異舌知味舜若多神無身 欲起温公問書法武侯入冠冠誰家奪讀通鑑至後唐 代清流盡喪亡紀干山雀可憐傷温公書法憑誰問 說河東欲鬼梁 一詩曰

KIND TO MENT

分甘餘站

古

見聞 通政使大理鄉宗人府府逐康熙中重定品級考布 世 益世泰為鴻臚寺卿廣西布政使李濤為太常寺少 特命廷臣薦舉翰林藩臬可任京卿者以江西布政使 遷光禄太僕正卿已丑 使外燈巡撫副都御史內陞則太常卿順天府尹問亦 明智慧殊不再來為之三歎 祖皇帝順治中各省布政使內陸有徑陛侍郎者或 一根先去雖欲讀書娱老而亦不能矣古人云聰

ز لا 聲漁笛起汀洲余賦絕句報之云東原佳句紅楓樹付 華婉娟自成一家常題吳江顧樵小畫寄余京師云青 則大理寺少卿左右通政是外之三品陞内之大四品 余門人廣陵宗梅岑名元鼎居東原其詩本才調集 也布政使陞常少鴻臚府丞則以外之二品陞内之小 江南布政使李法祖為順天府府丞舊制按察使內隉 四品也又與常例不同 野寺紅楓樹黄草人家白酒篘日莫江南堪畫處數 風

KEDDE ALT

分甘餘話

立

尚有不知者宋蘇魏公云平生薦舉不知幾何人惟孟 胃竊居功者聞之一笑而已如孟世泰李濤鞠辰洛莊 與丹青顏愷之把玩居然成兩絕詩中有畫畫中詩顔 **捂衛台瑺劉元勲之屬蓋不下十餘人至今屢被遷** 余在九卿時薦舉人才甚多率不令其人知之故時有 安序朝奉咸以雙井茶一瓮相餉古今 字棋水亦名士 金グロカノニ 公出於私爾聞往昔薦一人有酬謝不訾者 也要視其出

李容齊葉初卷數公之喪哭必盡哀令人雖至交指天 事入秋風風雨樓順國關山李牧祠間將流水引夢與 過餘皆過古作 吾郡楊太军夢山先生 每五言沖古淡泊在高子業華 羽書日三至微微霽景流天壤色俱素鄉心生塞草世 余平生交友不敢自居於薄在京師遇施愚山沈繹堂 子潜季孟間如遠道令人愁况近單于壘秋風入鴈門 (居雨響殘秋地城分不夜天石古苔生徧泉香麝

火モリーとという

分日修话

請州之聽經鵝皆昭灼在人耳目者新城北郭真武廟 古德云水鳥樹林皆為說法又云狗子具佛性此非 者有之矣可歎也 語近耳目聞見如京師某寺之蜘蛛塔安陸之念佛鳥 老道士趙雲山戒行清苦每誦經縣有 日盟肺腑及勢分相埒聲名相亞遂忘風好而反下石 国シロ人ノニ 知也 馴擾雲山歿蛇亦去不見以是推之露柱瓦礫 蛇路伏其旁 虚

佛山中僧徒以為法護 看之今尚在 康熙丙子余再以祭告使蜀歸次朝天麟土人云某寺 明大梁周藩有 不食也先大父尚書公官汴臬時親見之蜀中友屋 :貔貅不食人及牛犬之屬惟食虎豹口常誦阿彌 下性好潔欲溲溺則出往山間皆有常度遇者必往 **承母聞僧徒誦經軌隨其後禮拜誦畢即** 虎衛宫門長齊不噬雖投以豚蹄 卧佛座 亦

火モの手に時

分甘体话

之

俯師川亦以山谷之甥馴至通顯其詩本江西派也貴 易從之生泰胡文恭宿詩猶餘仙媼湔裙水幾見星妃 之腋下少睡片時俟冷棄之 治版氣熱蒸餅 後或以書賀之稍及山谷淵源師川答云涪翁之妙天 北齊竇泰母期而不産有媼教之曰渡河湔裙生子必 宋南渡後高宗最重蘇黄詩文筆墨求其子孫官之 下君其問諸水濱噫安得此覓心之語 枚擘作兩片粉蜜陀僧一 錢許急挾

分グロ

立秋日日未出採椒葉熬膏傅瘡鴉立愈 **税纸盛酒器也大者** 度被塵 紀侯臺在今壽光縣南三十里春秋紀國也耕者常 余作浯溪考成又得唐蔡京鄭谷宋釋惠兴數詩録 得玉杵臼皆不知何所用之 臺下得 シュンロート たまう 人雞腹中煮食消痞 玉磑宋太平與國中鄭州修東岳廟於地 石小者五斗亦作鸱夷 分甘餘站 見以此古

易安詩二篇曩從陳士業為寒夜録鈔出己入集中忘 潛二長句以婦人西廟衆作非深有思致者能之乎李 未暇廣搜博訪也趙明誠待制妻易安李氏常和張文 自唐至今題詠實繁零陵近雖刊行止薈萃已入石者 補遺適見清波雜志 其家藏唐詩百餘編俾介南選其住者介甫使吏鈔録 其出處本周煇也 說皆言王介甫與宋次道同為三司判官時次道出 條姑錄於此云浯溪中興頌 砰

·韋蘇州十數大家何以絕句亦不存一字余謂介甫 無不稱社盟者後楊給事自西雅建疏言之部議有禁遂 順治末社事甚盛京師衣冠人士輻輳之地往來投刺 生好惡拂人之性是選亦然庶幾持平之論爾 欠こりをという 吏俸於書寫每遇長篇賴削去今所傳本乃羣牧吏所 止不行二十年來京師通謁無不用年家眷三字即醫 刪也余觀新利百家詩選又不盡然如刪長篇則王建 人人選者凡三卷樂府長篇悉載何未刊削王右丞 分甘餘語 え

ρ'n 而己 司會中秋合肥龔端毅之門生為置酒呼梨園部奏伎 **康熙甲辰先兄西樵以中州科塲磨勘事自吏部移** 依然曰王西樵無妄在請室吾輩可樂飲乎遂罷造 見不隨俗者惟襲尚書芝養罪勞中还介最 星相亦然有無名子戲為口號曰也不論醫官道官 不論兩廣四川但通名一 若粥清談而已古道久廢特書此以勵海俗 **縣年家眷亦可一笑也**

を行り日本 或貽古鏡 官吏户兵三部尚書康熙元年拜相 怪物亦涉水隨至文定方皇遽無計忽自覺身驟長與 家赴塾過大街西嗣見 夜遺金豆十餘枚後既貴人稱金豆孫家公順治中 之相等乃手搏之怪物錯愕逃去又當讀書家塾有狐 徑趨避其怪忽直前椊之文定急犇溪西鳳山玉皇宮 盆都孫文定公姓為諸生時數有異徵 視之乃先太師公故物也背有公自製賛 分甘蜂话 一人負簷而立長過於簷無他 日天未明自 宇

以鏡矣讚曰瑩兮玉光兮珠其用常明其中常虚左有 形故人舉其配則怨鏡見其配則善南華經云至人之 文曰萬歷甲申年造上為乾卦有小印為象形公名也 人目短於自見取諸鏡以觀其面夫鏡不設形而能有 云爾雅曰鑒謂之鏡釋名曰鏡景也言有光景也古之 心若鏡不將不逆應而不藏故能勝物而無傷吁 小印曰桓臺王子那公字也公故物惟此鏡與端 光潔如白玉亦有刻字曰王子原家珍藏端

研無銘 欠正り日という 曾毀曹瞞廟常侍還焚董卓祠劒閣至今思伯約蜀 擒唐修隋史謂韓擒虎曰韓擒避廟薛也 奴過江青蓋無消息寂寞青溪伴小姑臨春樓閣已 首紀之以存古蹟云壁月依然瓊樹枯玉容猶似憶黄 蜀劍州西郭有小廟祀鄧艾余賦絕句示州人云申 沈遺廟荒凉碧鮮侵惟有青溪嗚咽水至今猶自怨韓 秦淮青溪上有張麗華小祠不知何代所建余賦詩 分甘除钴 主 銷 屠

音人者反釋名云以國為姓右癸年雜識所引極詳賴 若如也干求也言事不定當如此求之又曲禮問天子 若干二字出古禮鄉射大射數射算云岩干純若干奇 因或問而備録之 亦曰如干又複姓後周有岩干鳳及右將軍若干惠若 之年始服衣若干尺矣漢食貸志顏注云設數之名也 鄧艾入蜀路見者笑之碎其石今之立廟得無類是即

翻賽棘陽兒明時有官陰平者立一

砰於道左大書曰

グロル

卷二

荔天禄辟邪眠莓苔余游廬山亦得句云薜荔衣怪樹 **岑詩山風吹空林颯颯如有人黄庶詩山精水怪衣薛** 世如白樂天寫集三本 詩羅惟卷舒似有人開意非剏也 山風恐行人各寫一時所見而句法相似然岑亦本古 古人著述詩文一生心力所寄必有所託以思傳於後 とこうら 付龍門香山寺陸魯望詩文手稿盡真白蓮寺佛 唐求詩草寘大瓢中投諸岷江之流皆名心未 13 1.5 分日修坊 付廬山東林寺一付蘇州南 Ŧ

吳越問號為水仙他如雜妃湘君之屬皆水仙也乃盗 水仙之名甚美馮夷為河伯名曰水仙伯牙從成連之 於少林代余謀所託意良厚因述此以報之 後結集屬大迎葉豈名心亦未盡忘耶項襄城劉太乙 蓼 翰林書來云欲自作八分書余漁洋蠶尾諸集詩 忘故也如來自言四十九年未曾說著一 如孫恩流毒會稽吳與數郡及勢窮投海死其黨亦 **一作水仙操西湖有水仙王祠陶岘泛三舟於江** 惠二 字乃亦以身 湖

鱼グロ

眼能去障翳及赤眼最効 治喉閉急症用鴨嘴膽礬研極細以醌酯調灌吐出 高李林甫同班爾 とうりかない 同年汪鈍翁小字液仙程石臞小字佛壯劉公敵每自 痰立愈 稱為水仙甚可笑也脫清都仙籍果有此輩正當與趙 水脳 雜識又云熊膽少許用淨水畧潤開盡去筋膜塵 散用白 二片如淚痒則加生薑粉些少以銀筋 뵇 識 云帳 不甚 带 分甘蜂品 劾 Ŧ 膠

坡公作摄雲篇余昔行秦棧中見道左石罅間烟氣如 工部即官有街道廳一差出則二黑鞭前引而 憑闌望西北暮雲明月滿蕭棲詩載漁洋前集 無端愧汝曹天寧佛火共淹留干里驚逢落雁秋何處 談詩登秘閣液仙趨府算錢刀還思阿碬歸清顏仕隱 信囊雲非妄 縷頃刻瀰漫山谷已而雨大至行人衣袖中皆雲也始 稱阿稅余在楊州日常有詩寄西樵兄及三君云佛壯 んくごう 隷肩

次毛四車公打 張之且為作傳余曾識柳於金陵試其技與市井之 左良王自武昌稱兵東下破九江安慶諸屬邑殺掠甚 左幕下有柳敞亭蘇崑生者一善說評話一善度曲良 於流賊東林諸公快其以討馬阮為名而并諱其作賊 王死二人流寓江南一二名卿遗老左袒良王者赋詩 笑汪字樊桐仁和人作肅松錄 宛兩股之蝦鬚獨板後随如一 獨 板在馬後汪郎中國以啟賀其僚友某云雙鞭前導 分甘餘站 條之狗尾聞者無不大 一十四

無異而所至逢迎恐後預為設几焚香淪外片置壺 之也爱及屋上之爲憎及儲胥噫亦愚矣 琴獵圖送徐少祭津市打魚諸篇深得少陵之髓特 胡元瑞論明人歌行極尊空同而畧於大復不知何聽 云楊子江頭雨雙梳倚綠燕愁心將客夢日夜向東吴 余小時見寶應吳敏道詩 不憶其全矣 比至徑踞右席說評話才 卷頗有住句性記其 一段而止人亦不復强 絶

火光日月八月 秀色掩之耳胡專舉明月帝京恆矣 老僧果養詩軒窓無暑覺雲起仍樹有聲知雨 主

			 		
分甘餘話卷二	·				
卷二					
		l,			j -
		ţ			